



БАГАХАНГАЙ ДҮҮРГИЙН
ЗАСАГ ДАРГЫН ЗАХИРАМЖ

2025 оны 11 сарын 17 өдөр

Дугаар 17 дүр

Улаанбаатар хот

“Шүд угаалтын аварга” шалгаруулах
тэмцээн зохион байгуулах тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 62 дугаар зүйлийн 62.1.1 дэх заалт, 66 дугаар зүйлийн 66.1 дэх хэсэг, Эрүүл мэндийн тухай хуулийн 11 дүгээр зүйлийн 11.2.3 дахь заалт, Төсвийн тухай хуулийн 41 дүгээр зүйлийн 41.2.2 дахь заалт, Улсын Их Хурлын 2020 оны “Алсын хараа 2050” Монгол Улсын урт хугацааны хөгжлийн бодлого батлах тухай” 52 дугаар тогтоолын 1 дүгээр хавсралтын зорилт 2.2 дэх хэсэг, Засгийн газрын 2023 оны 322 дугаар тогтоолыг тус тус үндэслэн ЗАХИРАМЖЛАХ нь:

1. Монгол Улсын Засгийн газрын 2023 оны 322 дугаар тогтоолоор батлагдсан “Эрүүл шүд” төлөвлөгөөний хэрэгжилтийг хангах зорилгоор дүүргийн “Шүд угаалтын аварга” шалгаруулах тэмцээнийг 2025 оны 11 дүгээр сарын 29-ний өдөр зохион байгуулсугай.

2. Тэмцээн зохион байгуулах ажлын хэсгийг нэгдүгээр, удирдамжийг хоёрдугаар, зарцуулагдах хөрөнгийн төсвийг гуравдугаар хавсралтаар тус тус баталсугай.

3. Тэмцээний шагнал, хэрэглэгдэхүүний зардал 2,500,000 (Хоёр сая таван зуун мянга) төгрөгийг Засаг даргын Тамгын газрын холбогдох зардлаас гаргахыг Засаг даргын Тамгын газрын Ерөнхий нягтлан бодогч (С.Баасанхүү)-д, бусад зардлыг Эрүүл мэндийн төвийн холбогдох зардлаас гаргахыг Эрүүл мэндийн төвийн нягтлан бодогч (Б.Батжаргал)-д зөвшөөрсүгэй.

4. Тэмцээний бэлтгэлийг бүрэн хангаж ажиллахыг Эрүүл мэндийн төв (Х.Ганбат)-д, нээлт, хаалтын арга хэмжээ, хөгжим техник хэрэгслээр хангаж ажиллахыг Соёлын ордон (Б.Алтанцоож)-д, хүүхдүүдийн оролцоог хангаж ажиллахыг ерөнхий боловсролын 91, 94 дүгээр сургууль (Э.Соёмбогат, Э.Болормаа)-д, ажлын хэсгийн гишүүдийг удирдлага, арга зүйгээр хангаж, тэмцээнийг чанар үр дүнтэй зохион байгуулж ажиллахыг Ажлын хэсэг (Б.Цогжавхлан)-т тус тус үүрэг болгосугай.

5. Энэхүү захирамжийн хэрэгжилтэд хяналт тавьж, ажиллахыг дүүргийн Засаг даргын орлогч (Х.Цогцэцэг)-д даалгасугай.

ЗАСАГ ДАРГА



А.СҮХБОЛД

AJIL\2025 он ажил\захирамж

1225010913


Нийслэлийн Багахангай дүүргийн Засаг даргын
2025 оны 11 сарын 17-ны өдрийн 111 дугаар
захирамжийн нэгдүгээр хавсралт



“ШҮД УГААЛТЫН АВАРГА” ШАЛГАРУУЛАХ ТЭМЦЭЭН
ЗОХИОН БАЙГУУЛАХ АЖЛЫН ХЭСЭГ

Ажлын хэсгийн ахлагч:	Б.Цогжавхлан	Засаг даргын Тамгын газрын Нийгмийн хөгжлийн хэлтсийн дарга
Гишүүд:	Д.Оюунгэрэл	Багахангай дүүргийн Хүүхэд, гэр бүлийн хөгжил хамгааллын хэлтсийн дарга
	Б.Алтанцоож	Багахангай дүүргийн Соёлын ордны захирал
	Э.Соёмбобат	Нийслэлийн ерөнхий боловсролын 91 дүгээр сургуулийн захирал
	Э.Болормаа	Нийслэлийн ерөнхий боловсролын 94 дүгээр сургуулийн захирлын албан үүргийг түр орлон гүйцэтгэгч
	Ө.Амарзаяа	Нийгмийн хөгжлийн хэлтсийн Боловсрол, соёл, урлаг хариуцсан ахлах мэргэжилтэн
	Д.Дашдэлэг	Нийгмийн хөгжлийн хэлтсийн Төсөл хөтөлбөр, хөгжлийн бэрхшээлтэй иргэн төрийн бус байгууллагын асуудал хариуцсан мэргэжилтэн
Нарийн бичиг:	С.Намжилсүрэн	Төрийн захиргааны удирдлагын хэлтсийн Олон нийтийн харилцаа хариуцсан ажилтан
	Х.Ганбат	Багахангай дүүргийн Эрүүл мэндийн төвийн дарга

Нийслэлийн Багахангай дүүргийн Засаг даргын
2025 оны 11 сарын 17-ны өдрийн 500 дугаар
захирамжийн хоёрдугаар хавсралт



“ШҮД УГААЛТЫН АВАРГА” ШАЛГАРУУЛАХ ТЭМЦЭЭНИЙ УДИРДАМЖ

Монгол Улсын Засгийн газрын 2023 оны 322 дугаар тогтоолоор батлагдсан “Эрүүл шүд” төлөвлөгөөний хэрэгжилтийг хангах

Зорилго:

1. “Алсын хараа-2050” Монгол улсын урт хугацааны хөгжлийн бодлого, Нийслэл, дүүргийн Засаг даргын үйл ажиллагааны хөтөлбөрийг хэрэгжүүлэх
2. МУ-ын Засгийн газрын 2023 оны 322 дугаар тогтоолоор батлагдсан “Эрүүл шүд” арга хэмжээг хэрэгжүүлэх
3. ЭМЯ-наас дэвшүүлсэн “Зонхилон тохиолдох өвчнөөс сэргийлэх, иргэдэд эрүүл идэвхтэй амьдрах эрүүл зан үйлийг төлөвшүүлэх” зорилтыг хэрэгжүүлэх
4. “Эрүүл шүд” арга хэмжээний Нийслэл, дүүргийн төлөвлөгөөний хэрэгжилтийг хангах
5. ЕБС-ийн хүүхдүүдийн амны хөндийн эрүүл мэндийн боловсролыг дээшлүүлэх, шүд угаах зөв аргачлалыг эзэмшүүлэх, зөв дадал хэвшил эзэмшүүлэх, шүд угаахын ач холбогдлыг олон нийтэд танилцуулах, сурталчлах

Нэг: Зохион байгуулалт, хамрах хүрээ

Зохион байгуулагч:

- ↓ Засаг даргын Тамгын газар
- ↓ Эрүүл мэндийн төв
- ↓ Нийслэлийн Шүд эрүү нүүрний төв

1.1. Тэмцээн 2025 оны 11 дүгээр сарын 29-ний өдөр Соёлын ордонд зохион байгуулагдана.

1.2. Тэмцээнд ерөнхий боловсролын 91, 94 дүгээр сургуулийн 9-12 насны буюу 4-7-р ангийн сурагчид хамрагдана. 4,5 дугаар анги, 6,7 дугаар анги гэсэн ангиллаар өрсөлдөнө.

1.3. Анги тус бүрээс шүд угаах зөв дадалд суралцсан болон шүдний өвчлөлгүй 6 хүүхэд 1 баг болж оролцоно.

1.4. Тэмцээнд оролцох ангийн эцэг эх, асран хамгаалагч болон, сурагчид “Шүд угаах” зөв дадлын талаар сургалтад хамрагдсан байна.

1.5. Тэмцээн сүлд дуутай, лого тэмдэгтэй байна.

1.6. Ангиудын хувцаслалт жигд, багийн нэртэй байна.

1.7. Тэмцээн өртөөчилсөн байдлаар зохион байгуулагдана. 5 өртөөтэй байна.

1-р өртөө: Хүлээх хэсэг

2-р өртөө: Шүд угаалтын онолын тест бөглөх, жигнэмэг идүүлэх хэсэг

3-р өртөө: Шүд угаалт, шүдний утас хэрэглэх, шүд угаалтыг хянах, оноо өгөх хэсэг

4-р өртөө: Шүдний өнгөр шалгаж будах хэсэг

5-р өртөө: Шүдний гадаргуу дээрх өнгөр үнэлэх хэсэг

1.8. Шүд угаах тэмцээнийг доорх зураглалаар явуулна

5	4	3	2	1		Сандал
						Ширээ
						Энгийн хогийн сав
						Эмнэлгийн хогийн сав
						Үзлэгийн ор

1.9. Өртөө бүр 6 хэсэгтэй. 1 дүгээр өртөөнд анги удирдсан багш сурагчдаа зохион байгуулна.

1.10. 2, 3, 4, 5 дугаар өртөөн дээр 4 шүүгч, 20 хяналтын ажилтан ажиллана

1.11. 2 дугаар өртөөний шүүгч ЗДТГ, ЭМТ, ХГБХХХ-ийн мэргэжилтнүүд байна.

Бусад өртөөний шүүгч эмч, эмнэлгийн ажилтан байна

1.12 1 дүгээр өртөө: Хүлээх хэсэг. Багш багуудыг хувцсаар жигдрүүлж, багийг бэлтгэнэ, эмх цэгцтэй бусдад саад учруулахгүй байлгах үүргийг хүлээнэ.

1.13 2 дугаар өртөө: Сурагчид шүд угаалтын талаарх онолын тест бөглөж, шүдийг санаатайгаар бохирдуулах зорилгоор жигнэмэг иднэ

1.14 3 дугаар өртөө: Шүдээ бассын аргаар оогүйгээр угааж, шүдний завсрыг шүдний утсаар цэвэрлэн шүд угаалтыг үнэлүүлнэ

1.15 4 дүгээр өртөө: Шүдний гадаргуун дээрх өнгөрийг тодорхойлохдоо будагч бодис бүхий шахмалыг шүдний бүх хэсгээр сайтар зажлуулна, захлах явцдаа залгихыг хатуу хориглоно

1.16 5 дугаар өртөө: Шүдний гадаргуу дээрх өнгөрийг эмч нэг удаагийн багаж хэрэгсэл ашиглан үзлэг хийж тусгай үнэлгээний хуудсаар үнэлж оноог нэгтгэнэ

1.17 Нэг өртөөн дээр 4 минут, нийт нэг баг 20 минут зарцуулах ба энэ хугацаанд тэмцээний сүлд дуу 2 удаа явна

Хоёр: Тэмцээний дүн гаргах, шалгаруулалт

2.1 Тэмцээнд оролцсон нийт багаас 5 өртөөний нийлбэр оноо болон зохион байгуулалтын дүнгээр тэргүүлсэн ангилал тус бүрээс 2 багийг шалгаруулж байр эзлүүлнэ.

Жич: Зохион байгуулалтын дүнд дараах арга хэмжээг тооцно

- ❖ Сургалтад хамрагдсан ирц
- ❖ Хувцаслалт
- ❖ Бүтээлч ажил ханын сонин
- ❖ Зохион байгуулалт, дэг журам

Шагнал:

4,5-р анги: Тэргүүн байр -Цом, өргөмжлөл, 200,000 төгрөг

4,5-р анги: Дэд байр - Өргөмжлөл, 150,000 төгрөг

6,7-р анги: Тэргүүн байр- Цом, өргөмжлөл, 200,000 төгрөг

6,7-р анги: Дэд байр- Өргөмжлөл, 150,000 төгрөг

Нийслэлийн Багахангай дүүргийн Засаг даргын
2025 оны 11 сарын 17-ны өдрийн 110/2025 дугаар
захирамжийн гуравдугаар хавсралт



“ШҮД УГААЛТЫН АВАРГА” ШАЛГАРУУЛАХ ТЭМЦЭЭНД
ЗАРЦУУЛАГДАХ ТӨСӨВ

№	Материалын нэрс	Хэмжих нэгж	Тоо хэмжээ	Нэгжийн үнэ (төг)	Нийт үнэ (төг)
1.	Сойз	ш	78	5,200	405,600
2.	Шүдний утас (50-100м)	ш	6	5,000	30,000
3.	Ус	ш	78	1,600	124,800
4.	Нэг удаагийн аяга	ш	200	120	24,000
5.	Салфетик (нойтон)	ш	78	1,200	93,600
6.	Салфетик (хуурай)	ш	4	4,500	18,000
7.	Үзлэгийн нэг удаагийн толь	ш	78	4,500	351,000
8.	Гарын шингэн саван	ш	1	6,400	6,400
9.	Печень	ш	78	2,000	156,000
10.	Чихний хөвөнтэй мод	ш	6	5,000	30,000
11.	Өнгөр шалгагч	ш	78	1,200	93,600
12.	Өргөмжлөл	ш	4	40,000	160,000
13.	4,5, 6,7 дугаар ангийн тэргүүн байрны шагнал	ш	2	200,000	400,000
14.	4,5, 6,7 дугаар ангийн дэд байрны шагнал	ш	2	150,000	300,000
15.	Шилдэг ангийн цом	ш	2	25,000	50,000
16.	Шүүгч, эмч нарын хоол	ш	20	12,850	257,000
			Нийт		2,500,000

